

# 中國國民黨周刊

第四卷 第三期

中國國民黨週刊 第四卷 第三期

代售處

代售處

中華民國十六年四月十七日出版

(零售每份銅元三枚)

訂閱：每年六角。  
連郵費：國內七角五分。  
國外一元。  
代派：十份至三百份五折。  
五百份以外四折。

廈門 協作書店  
成都 新潮書報社  
舊金山 少年中國晨報社  
紐約 民氣週報社

北京 北新書局  
重慶 重慶時報  
寧波 文明學社  
杭州 古今圖書店  
上海 古今圖書館

通訊處 上海龍潭路四十四號週刊編輯委員會

## 目次

### 論文

吳敬恒先生呈文觀..... 漱石

西山會議派精神上之檢討..... 漱石

### 特載

清黨又電一案

張靜江致汪陳書

### 黨務專載

雜件

### 時評

問蔡元培先生..... 漱石

忠厚成性之張靜江先生..... 竟成

蚊虻過前..... 銘

### 通訊

劉鼎銘君來函

覆劉鼎銘君函

## 論 文

### 吳敬恒先生呈文觀 竟文

吳敬恒先生於四月二日謹呈其中央監察委員會之呈文。洋洋近四千言。可謂爲實際清黨之導線。蓋清黨運動。醞釀於西山會議以前。擴展於西山會議以後。而至今始克漸達目的者。其關鍵在持有權力者一念之轉移耳。猶之民四討袁。上海肇和之役。山東之後。究不如雲南起義之爲人所歌頌。梁啟超以得蔡鍔同情故。參與軍務院事。其異哉所謂國體問題者。一文遂爲人所稱賞。然則吳先生此件呈文之價值。至小限度。可與「異哉所謂國體問題者」一文等量齊觀矣。（此處乃就其影響而言。非敢以吳先生比梁啟超。閱者幸勿誤會。）惟吳先生在其中央監察委員會。本爲監察委員之一。以普通公文程式而論。似用提議足矣。今吳先生竟用呈文。爲表示鄭重歟。抑爲表示謙遜歟。吾人身居局外。固莫測高深也。不佞玩索再四。本其觀察所得。特作是篇。題爲「吳敬恒先生呈文觀」。

吳先生之呈文。大致與吾人平昔所呼號者無異。顧其中有爲不佞所特別佩級者。有爲不佞所不能苟同者。茲先將所特別佩級之點略舉如左。

一、國人發現共產黨之罪狀。必有推究當日中國國民黨總理孫中山先生容納共產黨分子之用意何在者。吳先生謂「總理容納共產黨分子有兩層用意。（一）共產黨若無背叛中國國民黨行爲。

僅研究學說者。可與研究任何並無背叛之學說一同聽其研究。（二）允許共產黨分子之有覺悟者服從國民黨主義。使之隱銷其逆謀。如是說明。一切疑團不啻氷釋。彼動據總理容共政策以問執忠純同志之口者。亦無從售其奸計也。

二、吳先生解釋去年雙十節湖北共產黨敬告同志宣言。以爲如此。蔣中正馮玉祥唐生智暨各軍界同志都是共產黨的貓腳爪。被他們拿住了。向火裏去取燬栗子。「他們不認無產階級人們爲同志。足見工呀農呀。都是他們的貓腳爪。」直如溫驕燃犀。不惟蔣馮唐暨各軍界同志可以恍然大悟。真正農工階級聞此言。亦必不願再受共產黨之催眠矣。

三、總理之三民主義講演。中多爲時間空間而發。有不得不合渾其詞者。苟非以意逆志。則不能得其真詮。如民族主義第一講。贊美蘇俄抑強扶弱。幫土耳其革命。共產黨往往利用之以宣揚蘇俄功德。盲目之徒易爲所蔽。吳先生於此獨云「但是土耳其反了蘇俄。爲什麼呢。總理不說。不過暗示我們留意罷了。」此語探驪得珠。必具吳先生之慧眼。而後可以讀總理之遺著。而後可以了解總理之聯俄政策。總理於民族主義第四講曰。「現在俄羅斯拉夫民族也是主張和平的。這就是斯拉夫人已經跟上了我們中國人。」總理對於組織國民政府案之說明曰。「可見俄之革命。事實上是三民主義。」其用意甚深刻。與吳先生所揭發之處。均爲研究總理遺著及其聯俄政策者所不可忽視也。

四、自總理逝世後。鮑羅庭日益驕縱。由於一般人視爲如天如帝。吳先生引歐人李德立致陳友仁書。證明鮑在蘇俄共產黨內。不過煽動委員會之委員。彼視鮑爲如天如帝者。應知愧矣。吳先生描寫鮑羅庭把持漢口所謂中央黨部及國民政府之情形曰。「老成痛心者不敢異同。歸化希旨者甘爲傀儡。」然此種情形。豈

惟自漢口始哉。觀吳先生謂「鮑在廣州時。有廣東皇帝之號。」即知其由來者漸。吾人前此謂鮑羅庭如何驕縱。不及吳先生所言之什一。人輒詆吾人爲故意毀損國民政府信用。吳先生此番和盤托出。吾人之心迹可大白於天下矣。神經過鈍者。在革命軍未離粵時。則曰。一抵長江。鮑無能爲。及革命軍將定長江。又曰。一踰黃河。鮑無能爲。吳先生云。「鮑羅庭已支配國民政府下之中國。曾無疑義。到共產黨勢力統一。在中國實現共產黨之時。中國全歸蘇俄支配。又無疑義。」又云。「現在中國國民政府。已爲俄煽動員鮑羅庭個人支配而有餘。則將來中國果爲共產黨所盜竊。豈能逃蘇俄直接之支配。快人快語。神經過鈍者可以猛省焉。

五·本黨第一屆中央執行委員會第二次全體會議。討論彈劾共產分子案。彰明較著之共產分子委員譚平山竟起而與監察委員抗辯。當時委員會未加以取締。誠大憾事。夫以議會論。案涉本身嫌疑。則議員不能出席。以法庭論。案關本身親故。則法官即應迴避。共產分子於本身之彈劾案。安有參與討論之餘地。西山會議雖無共產黨委員及附逆委員列席。而事前缺乏聲明。故不知真相者。得以人數問題譏評之。其實若除去共產黨委員及附逆委員以計人數。則列席西山會議之中央執行委員中央監察委員固明明大多數也。吳先生云。「似此逆謀昭著。舉凡中央執行委員會內叛逆有據之共產黨委員及附逆委員。應予查辦。未便尙聽其行使職權。恣爲顛倒。」顧慮周詳。殆有鑒於前兩次之覆轍歟。

右舉五點。皆不佞所特別佩佩者。今可進舉其不能苟同者。  
(一)吳先生向以若干年後行三民主義。若干年後行共產主義(馬克思共產主義)此已承認共產主義之可行。不過以時期上應較三民主義後一步耳。此說如果成立。則中國國民黨主張緩進。中國共產黨主張急進。前者真爲右派。後者真爲左派。附和共產黨

者真爲左派。愛護國民黨者真爲右派矣。按總理於民族主義演講曰。「從前俄國所行的不是純粹共產主義。是馬克思主義。馬克思主義不是真共產主義。」又於民生主義第一二講。逐條力闢馬克思共產主義之錯誤。可見無論遲若干年。皆不可行馬克思共產主義。總理於民生主義第二講。明白詔示曰。我們主張解決民生問題的方法。不是先提出一種毫不合時用的劇烈辦法。再等到實業發達以來適用。是要用一種思慮預防的辦法。來阻止私人的大資本。防備將來社會貧富不均的大毛病。」又於民權主義第六講曰。「我們現在要提倡改革。決不能說。學到了像現在的歐美。便算是止境。便以爲心滿意足。我們步他們的後塵。豈不是一代更不如一代。還要再起革命嗎。若是再起革命。那麼此次的革命豈不是徒勞無功嗎。」可見經過三民主義之國民革命後。絕對不必行馬克思共產主義。亦絕對不可行馬克思共產主義。而吳先生則越飛二百年後實行共產主義之語。以責陳獨秀二十年實行列寧式共產主義之不當。又據總理「國民革命完成應需三十年」之語。以責共產黨取國民黨生命之太快。語病所至。則國民黨之生命可爲共產黨所取。列寧式共產主義亦可行。祇須俟諸二百年以後耳。此豈非與總理演講相衝突乎。

二·莊諧雜陳。原爲吳先生著作之特長。然用之公文。似宜寓莊而去諧。如呈文應用「陳首領。」以及括弧中我生蒙古。容許也說本是屬於中國。何妨又屬蘇俄。「要進第三國際。我們將來自己用國民黨去進。不要用列寧式的共產黨做費見去進。語雖滑稽。究以黨體國體所關。出以此種口吻。終嫌瑜不掩瑕。不佞之爲此言。誠恐東施效顰。愈形其醜。若夫唐突高賢。則吾豈敢。古人云。太上立德。其次立功。其次立言。」吳先生生平之道德既爲時流所共欽。吳先生此番之事功。更爲時流所共許。區區

文字。未焉而已。吾人何必吹求。顧是是非非。於吳先生均無所增損。姑將觀察所得。以質諸閱者。未審以爲何如也。

### 西山會議派精神上之愉快 漱石

何爲西山會議。本刊論文已有正確之說明。其主要決議案。即開除共產派在中國國民黨之黨籍。凡參與此會議者。時人稱爲西山會議派。即接受此決議案者。時人亦稱爲西山會議派。

西山會議派奔走呼號。歷有年所。其主張遲遲未貫徹。原因何在。亦毋庸再事喋喋。今則蔡元培等已以中央監察委員會名義。咨其中央執行委員蔣中正等。將所開各人及各地共產黨首要危險分子。經黨部舉發者。就近知照公安局或軍警。暫時分別看管監視。免予活動矣。上海旬日來。如查封總政治部。解散武裝糾察隊。均爲實行清黨之表現。此次舉動。除湘鄂藉以特殊關係外。凡革命軍所在地。均一致執行。西山會議派雖未自或其功。而平昔所希望於軍界同志者。皆如願以償。其精神上之愉快當爲何如耶。

或謂西山會議派之主張固漸形貫徹矣。打倒西山會議派之聲浪不絕於耳。查封黨部之通電接踵而來。西山會議派果引爲愉快乎。吾應之曰。西山會議派之目的。在爲黨爲國。苟中國不爲蘇俄所擾亂。中國國民黨不爲共產黨所銷滅。則個人之窮達毀譽皆可不計也。通緝開除警告肅清種種侮辱。西山會議派蓋備嘗之矣。曾不以此而稍懷芥芥。謂今日之打擊能減其愉快之感。吾不之信。

不見夫締造民國之本黨總理孫中山先生乎。袁世凱散布「國賊孫文」孫文小史」兩種印刷品。極其污蔑之能事。鄉曲初等小學校尙獲三份之多。孫先生仍我行我素。領導同志及民衆繼續革命。曾幾何時。袁世凱何如人。孫先生何如人。雖三尺童子。亦能辨

之矣。西山會議派以孫先生之精神爲精神者也。仰不愧。俯不作。橫逆之來。將付之一笑耳。

## 特 載

### 清黨文電一束

#### 蔡元培等咨文

蔡元培等以中國國民黨中央監察委員會名義咨其中央執行委員汪精衛譚延闓胡漢民蔣中正等文云。竊本會職責所在。「黨員施政方針。是否根據本黨政綱」。尙應過問。則棄裂本黨政綱。釀成亡黨賣國之行爲。尤應舉發。是以本會委員分赴各地。週集上海。遂於國民十六年三月二十八日先開臨時會。決定於四月一日下午七時。召集中央監察委員會全體緊急會議。到會三分之二。蔡元培李宗仁古應芬黃紹雄張人傑吳敬恒李煜瀛陳果夫共同出席。公推蔡元培爲主席。由吳敬恒提出共產黨連結容納於國民黨內之共產黨員。同有謀叛證據一案。經出席委員共同討論。復由各委員報告最近在湖南湖北浙江江西安徽上海共產黨之所爲。皆有不利于國民黨。受外國人指使之事實。其騷亂社會。擾動後防。尤其餘事。故全場一致議決。將訪察所得。首要各人。咨請貴委員等以非常緊急處置。姑將所開各人。及各地共產黨首要危險分子。經黨部舉發者。就近知照公安局或軍警。暫時分別看管監

視。免于活動。致釀成不及阻止之叛亂行爲。仍須和平待遇。一面由貴會公決。召集全體中央執行委員會共議處分。再所有漢口聯席會議，及第二屆第三次全體中央執行委員會會議。皆徐謙鄧演達顧孟餘等，受俄顧問鮑羅庭之指揮所顛倒。所有由該會議產生之機關。及其所發命令。本會亦認發生疑問。並請貴委員等。應按酌事實。分別接受與否。其准予接受施行者。以備下屆全體中央執行委員會討論追認。其有不得不否認者。應暫時擱置。因中間有便於叛徒之命令。恐適釀大患也。本會此等建議。因防止非常變亂。恐亡黨賣國。不及救止。爲萬不得已之所爲。是否有當。於第三次全國代表大會開會時補請公核。如有失察。甘受處分可也。並將吳委員敬恒提呈一扣。先行由電附達。其本會議記錄一冊。隨後郵奉。謹啓。

## 吳敬恒呈文

吳敬恒呈其中央監察委員會文云。中國國民黨中央監察委員會公鑒。竊總理於前年改組國民黨。容納共產黨分子。當時加入國民黨之共產黨員李大釗。亦曾聲明。此等黨員，止以各個人之資格。服從國民黨主義。並非國民黨與整個共產黨合作。今者共產黨有謀逆之整備。遂喧騰其聯共之口號。誣罔總理。挾制輿論。以圖大逞。按總理容納共產黨分子。有兩層用意。一，總理於學說向主自由研究。共產黨若無背叛中國國民黨行爲。僅研究學說者。可與研究任何並無背叛行爲之學說，一同聽其研究。二，因聽理知共產必不適宜於中國。尤其是階級鬥爭之共產主義。故自創三民主義，以適合中國。且允許共產黨分子之有覺悟，服從國民黨主義。使之隱銷其逆謀。不料自共產黨分子之加入國民黨以

後。共產黨積漸謀逆。迨總理逝世。尤逐步日肆陰謀。本黨乃忍痛斃予以最大之庇護。且藉口以致其多方之忠告。終望得遂總理銷其逆謀之願。而不知終究適予以得步進步之披猖。遂使帝國主義之國，及國內軍閥，謀傾本黨者。借赤化爲口實。淆亂世界之衆聽。北伐軍興以來。所到之地，皆有黨軍可愛。黨人可殺之怨聲。去年國慶後。本委員接得漢口寄來共產黨湖北區執行委員會，及中國共產主義青年團湖北區執行委員會雙十節敬告同志宣言。請本委員以監察員資格，有所注意。或加以彈劾。以止叛亂。本委員因諸如此類之逆叛印刷物。近年以來。時有發見。非密加訪察。得其真相。不欲輕爲口舌之爭。蓋彼輩兇狡無賴。若不到澈底解決之時期。彼輩必騰爲老朽昏庸。思想落後。反動分子。反革命派等之標語。極其愉快迷離。一犬吠影。衆犬吠聲。函電紛綸。詈罵交闐。使成獸鬥泥中之形。以丐其虎踞要津之助。（如俄人鮑羅庭之類）一擊不中。更張其鋒。近半年中。本委員以中央所派江蘇特務委員會委員。隨鈕委員永建之後。同在上海。注意時局。仍爲若輩包圍。離奇逆迹。隨在呈露。鈕委員焦頭爛額。痛苦逾常。窮於應付。迫而謝病。本委員於本年三月六日晚間八時。偕同鈕委員，及上海特別市黨部執行委員楊委員銓。晤見中國共產黨首領陳獨秀。中國共產黨上海首領羅亦農。於上海環龍二路十六號鈕委員辦公處。談話甚多。其要點。本委員告陳首領。研究共產學說。自爲共產黨之責。若實行共產。五六年前。蘇俄代表越飛在廣州語孫總理。當在二百年之後。以我理想。二百年嫌不足。」陳首領笑我太迂。我言。「急切輕掛招牌。止是贗鼎」。陳說。「你更癡癡。請問中國現在的共和。不是偽的麼。但你以爲康有爲之復辟。與偽共和孰優。」本委員遂知中國共產黨欲實行偽共產。意在言外。因突然根問。問陳首領。「你定

中國實行列寧式共產主義是若干年。〔彼不遲疑而答曰。〕二十一年。余作駭極之情狀。隨即將陳首領所定二十一年中國可實行列寧式共產主義一語。請楊委員於隔座特別注意。時羅首領似怪陳首領直率。合座默然。本委員亂以閒話曰。『如此國民黨生命止餘十九年了。前時總理答越飛。國民黨國民革命完成。應需三十年。若你們共產黨急迫至此。未免取得國民黨的生命太快了一點。應當通盤商量才好。』因此強笑而罷。本委員自親在中國共產黨首領陳獨秀口中，聽到二十年中國實行列寧式共產主義一語。乃核以去年雙十節湖北共產黨敬告同志宣言。其扼要之語曰。『雙十節，本當慶賀。而無慶賀之值。……因為內部奸賊，仍未澈底剷除。那裏趕得上蘇俄革命紀念日。值得我們真誠的慶賀呵。』

「同志們。無產階級人們。……我們最近決議案。是有辦法的。是有步驟的。祇須放膽量。秘密進行。圖我們的新生命。自有剷除奸賊真正成功之一日。那真值得熱烈的慶賀。」「我們的步驟。就是：（一）第一步我們老實不客氣的說。我們現在勢力未充。應該利用別人想做新軍閥的心理機會。貌合神離的幫助他。以打倒原來一般舊軍閥。」「本委員案。如此蔣中正，馮玉祥，唐生智，暨各軍界同志。都是共產黨的貓腳爪。被他們拿住了。向火裡去取燬栗子。不過他們把打倒舊軍閥。便算是想做新軍閥。乃非常可怪的奇議論。因此從前共產黨反對北伐。又增了一個用意的旁證。所以近來借抑制新軍閥的外面。在漢口挾着中央國民黨部國民政府，行他們搗亂北伐的內面。都是他們預定的計劃。」「（二）第二步。我們根據最近決議的精神。以黨團監督政治。以政治監督軍事方案。切實督責想做新軍閥的人。倘若還難為我們。那就用快刀斬亂麻的手段。痛痛快快來解決他。以求最後的澈底吧。」「本委員案。亂麻指國民黨。快刀是指無產階級人們的血肉。這種

無產階級人們。又是他們的貓腳爪。請大家注意。開首喚起語。所謂同志們。無產階級人們。同志與非同志。多未分得清楚呵。他們必定還有秘密文件。也得云。『我們老實不客氣的說。我們現在勢力未充。應該利用別人想做無產階級的心理機關。貌合神離的幫助他。一以打倒想做新軍閥的打倒國民黨。』他們借乙打甲。借丙打乙。借丁打丙。抽繭剝蕉的方法。已施於國民黨者。可以完全證實。他們不認無產階級人們為同志。足見工呀。農呀。都是他們的貓腳爪。最後打盡了中國大部分人。止贖他們的同志。就實現清一色的共產世界。所以現在擁汪倒蔣。過些時。又必擁鮑倒汪。再過些時。又必擁列寧倒孫文。罵孫文思想不澈底。送他照相到歷史博物館。規規矩矩是二十年。痛痛快快起來。二年二個月。止看機會。但他們喪失信用的利用別人。他們終有給人覺悟的機會。蘇俄的陰謀。施諸土耳其而不效。還要拿同樣失敗的方法再來中國試驗。難道因為張邦昌吳三桂是中國的特產品。中國遠東病夫，尙够不上土耳其近東病夫麼。總理在民族主義第一講。贊美蘇俄抑強扶弱。幫土耳其革命。但是土耳其反了蘇俄。爲什麼呢總理不說暗示我們留意罷了。『現在我們的口號。是糾正辛亥革命之不澈底。製造新國慶紀念節。打倒新舊一切軍閥及資本家。剷除內部的好賊。勞動罷工絕對自由。馬克斯主義萬歲。階級鬥爭萬歲。無產階級人們萬歲。』本委員案。無產階級人們受他這句萬歲。正同普通開會。我們國民黨，也還正在那裡受他「國民黨萬歲」的榮寵。這算是他利用時節的獎品。據上面共產黨敬告同志之步驟。參合共產黨首領二十年之定期。二十年內中國國民黨滅亡。中國實行列寧式共產主義。（或止是掛出招牌），似已爲難逃之巨禍。加以彼輩敬告同志。明言雙十節無價值。值得他們熱烈慶賀的，乃係蘇俄革命紀念日。又最近

湖南省黨部。已有擁護鮑羅庭之口號。查有歐人李德爾致陳同志友仁書。曾言鮑羅庭從前化名犯罪。屢更其國籍。鮑羅庭之名。本非彼之真名。彼在蘇俄共產黨內。為煽動委員會之委員。故挑撥離間。手段惡劣萬狀。對人情厚貌深。乃是中俄共產黨普遍訓練而成之同一面孔。他們閑談交際。是溫溫和和。說起關係話來。是結結硬硬。做出來是惡惡辣辣。說誑語是載在他們聖經第一章。(此想當然。他們有無聖經。則吾不知。)鮑在廣州時。有廣東皇帝之號。我們夷鄙他。以為不配。今觀其把持漢口中央黨部及國民政府之情形。老成痛心者不敢異同。歸化希旨者甘為傀儡。鮑羅庭已支配國民政府下之中國。曾無疑義。則到共產黨勢力統一。在中國實現共產黨之時。中國全歸蘇俄支配。又無疑義。(共產黨用一個指頭遮掩。說中俄同在第三國際。不相統屬。更是戲法的說話。其實那種帶領引見的情形。蒙古是慣做屬國的。我生蒙古。容許也說本是屬於中國。何妨又屬蘇俄。中國是止被一人一再盜國。却還不會做過屬國。這正好共產黨去作新試驗。我們國民黨不願意。要進第三國際。我國將來自己用國民黨去進。不要用列寧式的共產黨做贊禮。)於此而得兩結論。乃本委員所不能不舉發。而本會所不能不過問者。一，共產黨決定剷除國民黨之步驟。有以黨團監督政治等之言。則明明為已受容納於國民黨之共產黨皆同預謀。此本黨不願亡黨。在內部即應當制止者也。二，現在中國國民政府。已為俄煽動員鮑羅庭個人支配而有餘。則將來中國果為共產黨所盜竊。豈能逃蘇俄直接之支配。乃在變相帝國主義下，為變相之屬國。按之總理遺囑聯合世界上以平等待我之民族，大相刺謬。此又應當防止不平等，而早揭破一切賣國之陰謀者也。(有人說。俄國已廢除不平等條約。然此止平等之一端。如德如奧。皆已廢除不平等條約。依照第一次

中國國民黨週刊 第四卷 第三期

全國代表大會宣言。止能認為最惠國。聯合則平等未完全。顯生問題。所以德奧可認為最惠國。尙未聯合也)因此。本委員認為情事非常重大。現在漢口中央執行委員會。為共產黨及附和共產黨之各員，奉蘇俄共產黨煽動員鮑羅庭所盤據。最近諸多怪謬之改變。乘北伐軍攻堅肉薄之時，而肆其各兵抑將之議。無非有意擾亂後防。蓋中國共產黨首領陳獨秀。本有反對北伐之舉。俄國共產黨鮑羅庭在廣州。亦建緩取江浙之議。即因他們老實不客氣。勢力未充。不欲國民黨羽翼豐滿。使共產黨難下催毀之手段。似此逆謀昭著。舉凡中央執行委員會謀叛有據之共產黨委員，及附逆委員。應予查辦。未便尙聽其行使職權。恣為顛倒。應再召集中央執行委員會全體會議。或產生全國代表大會處分，但變以非常一時不及等待。故本委員會不能不集會摘發。用是本委員特將亡黨賣國之逆謀。十萬急迫。提呈本會。伏祈迅予公決。俾得咨交中央執行委員會非共產黨委員，及未附逆委員臨時討論。可否出以非常之處置。護救非常之巨禍。則國民黨幸甚。中國幸甚。謹呈。中華民國十六年六月日。共產黨雙十節敬告同志宣言一分。合併附呈備查。(已存汪主席處)

### 鄧澤如等通電

本黨半載以來。革命工作之發展。一日千里。長江既全部肅清。帝國主義所盤據的最大營壘之上海，亦告克復。凡此基部之發展。足證民衆熱望本黨之殷切。與本黨同志此後工作之艱鉅。適成正比。黨員工作感指導之無力。內外要政。受無形之停滯。黨的正個意思。無由顯明表達。黨的機關權力。莫能適當行使。內之百萬黨員。準備奮鬥。而不知聽命之何從。外之受治於黨之民衆。對本黨之中心失寄。漸次加其惶惑。推原其故。不能不

謂武漢聯席會議以來種種措施爲造成此局面之主因。本會中央監察機關。當此重要時機。爲顧全革命利益鞏固黨基起見。未便放棄適鐸之職責。爰集會議。詳加討論。僉認以爲武漢最近之動作。實有極危險之傾向。茲特酌舉其錯誤之點。俾知事實所在。不容誣妄。查武漢中央執行委員與國民政府委員聯席會議。係由到漢委員自由召集。據徐謙報告。係爲適合革命利益。應付革命時機。代表中央權力之必要組織。其爲臨時機關可知。彼時中央黨部近在南昌。理應提交追認。乃不唯不經此項手續。且於中央已有令改政治會議武漢分會。且令停止職權之後。仍復續開會。以中央執行委員及國民政府委員。而置中央之機關命令於不顧。將何以召示中央威信於全黨。聯席會議既無適法根據。其由此產生之一切決議案之有無效力。更不問可知。此其不合者一也。於中央已有明令停止聯席開會之後。復開擴大聯席會議。決定召集中央執行委員會第三次會議。根據上述。其仍爲毫無根據之自由召集可知。查主席及常務委員。爲第二次全體會議所產生。躬負重託。非至合法召集之第三次會議以後。不能解除職責。武漢之第三次會議。既未經常務委員會之提議及同意。即常務委員之列席者。亦寥寥數人。而竟毅然不顧。宣布開會。中央執行委員會爲代表大會未開時之最高權力機關。又適當本黨北伐軍蘇皖戰事最吃緊之時候。竟以若干委員之自由意志。出以如此草率浪漫之態度而開會。此其不合者二也。至於開會以後之行動。凡足以破壞革命利益。惹起黨務糾紛者。尤爲更僕難數。條而舉之有如下列。開會後劈頭第一事。即爲「統一黨的指導機關案」。夫本黨爲革命之政黨。指導機關有無效率。以革命勢力能否在此指導機關下發展爲斷。第二次全體會議產生之常務委員會。成於北伐出師以前。在此機關指導之下。北伐軍事。以最困窮之給養。任

最艱鉅之工作。於極短促之歲月。克極頑強之大軍閥。苟非指導得宜。得民衆之信仰與武裝同志之奮勇效命。何以臻此。若非反對本黨革命勢力之發展。別有肺腸。何至於前方最吃緊之時破壞卓著功績之指導機關。此可痛心者一也。當該會議開會武漢之時。正中東兩軍武裝同志在蘇皖肉搏疆場之日。政府即不憫念其憂勞。亦何忍加以妨害。槍械子彈。爲北伐之命脈。乃武漢聯席會議三電粵兵工廠。令其停工。拆移機器於漢陽。此其壟斷軍械阻礙北伐之陰謀。顯然畢露。乃猶不至此。當國民革命軍攻蘇浙時。連電請濟子彈。漢方均置若罔聞。是實欲置國民革命軍於死地。乃快厥心。此可痛心者二也。國民革命軍受命北伐。義不容得一隅以自封。故自克鄂贛以後。即分道並進。規復東南。而該會議中乃發軍事進行過急之辭。以爲詆諆。甚至原定調赴東南之兵。亦爲該會議所遮阻。逗留上游。及淞滬底定。漢口黨報。竟皇然誣國民革命軍爲匪軍。該會豈無耳目。何竟絕不糾正。其掣肘於事前。誣毀於事後。用心積慮。昭然若揭。此可痛心者三也。國民革命軍之有政治部。原以統一黨的訓練。使整個的軍隊成總理之信徒。爲三民主義而作戰。自爲少數數搗亂分子把持以後。純粹之三民主義者。被排斥無餘。甚至周納罪名。拘幽滿獄。是實欲中國國民黨之黨員絕跡於國民革命軍中。而高呼提高黨權者。至此又不發一言。此可痛心者四也。農工政策。本爲總理所貽留。指導農工。組織農工。爲國民黨黨員之天職。乃自共產黨分子加入以後。對國民黨員之爲農工運動者。盡量排斥。偶有組織。動遭摧殘。中央對此。不聞有糾正之事。而對於農會工會之幼稚行爲。則又視爲驕子。絕無指導制裁之權能。此可痛心者五也。廣東省市黨部及江蘇省黨部之組織。並無不合法之點。而兩省黨部之選舉辦法。係經中央政治會議第六次臨時會議通過。此次



列席武漢會議之各同志中。有多人皆曾親自列席于該會議。一切經過。均所親見親聞。今忽謂違背總章。勒令改選。不知係違背總章之何章何節。各級黨部均為指導本黨同志革命工作之機關。今以在合法情形下產出之兩個重要省分之黨部。在本黨革命勢力發展之環境下。而橫被取消。是本黨各級黨部。在軍閥勢力下。猶能冒死奮鬥而存在。而本黨黨內。轉成毫無保障之機關。一切黨部均將寒心。下級黨部莫知秉承。妨礙黨務之進展。實開重大之惡例。此可痛心者六也。特別黨部原為應付特別情形。以求革命勢力能迅速發展之組織。且已定條例。武漢會議。不從修改條例人手。竟決定除軍隊及產業工人外。一律取消。且限定特別黨部。不得有同樣選舉第三次代表大會之代表之權。是不僅破壞本黨之組織。亦啓不平等的歧視之端。而妨黨務之進行。此痛心者七也。欲革命工作之完成。必須令各黨員於負責努力中有所保障。今乃毫無正當理由。僅憑若干私人之愛憎。即可橫加處分。如因翰案而開除為黨努力同志之黨籍。令熱心者不敢負責。忠梗者人人自危。是為黨員無保障。又如因一執行委員（彭澤民）之提議。不具確實證據。不經審查手續。立談之際。而可停止中央執行委員（蕭佛成）之職權。中央執行委員為代表大會所選出。如此摧殘。於法何據。是中央執行委員亦無保障。又在該會議同會之武漢。凡為地面權力者所不兼之人。雖為黨中任重要職務之同志。亦不免於任意被捕。任意拘留。該會議及政府絲毫不加以制止。是則自命為中央所在地之武漢一般的人權。亦毫無保障。殘忍慘刻。演成恐怖。此可痛心者八也。黨報為宣傳本黨革命主義之樞樞。亦即黨治下一般民衆視聽之所寄託。乃漢口民國日報一月以下之所揭載。大書深刺。莫非動搖革命基礎。毀壞本黨中心人物信仰之紀錄。如湖南省黨部之通電中。有

蔣同志嘗令李宗仁同志監視中央執行委員等毫無根據之謬言。影響所及。不獨毀壞革命軍人之令譽。且置中央執行委員之神聖名詞。於何等地位。又如吳玉章同志。以負責之委員。主席湖北省黨部。而發表極端惡意之演說。甚至有「軍費佔一千三百萬。……但是我們的武裝同志還是飢寒交迫。……究不知他如何支配」等語。此等意在中傷之籠統誣蔑。雖敵人之反宣傳。亦何以加茲。而竟公然宣傳於會場。復大登特登於黨報。若非蔣同志深得軍隊信仰。試問此等言論散佈軍中。將令前方發生如何影響。吳同志既不知檢點如此。而中央宣傳部對於黨報。竟任令登載而不加管理。其有意煽動乎。溺棄職守乎。此可痛心者九也。武漢會議既無適法根據。其由此產出之中央機關。近來所發表之命令。尤多不顧黨國利益。如江西省政府。成立未久。正在努力辦公。以贛省貧瘠之區。遭去歲兵燹之慘。休養勞來。方資擘畫。而武漢竟下解散之令。訓至忠貞同志不敢負責。千萬人民惶惑無主。當此全功未竟之時。唯省政府為最能負責在責任。以普樂利於人民。贛省如此。何能望各省政府安心負責。基礎政治。顛覆是虞。人民後蘇之望。何由實現。此可痛心者十也。又本黨為負責建國唯一革命的政黨。亦為領導國內一切革命勢力統一指揮之黨。其旨趣已見於歷屆之決議案及宣言。所謂以黨治國之精神。即為本黨對世界對中國民族毅然負起一切責任之表示。今觀於武漢會議中所決定採用之統一革命勢力案。竟有共同担負政治責任問題之一條。內稱應由共產黨派負責同志加入國民政府及省政府。此種謬誤之決議。大有背於本黨以黨治國之精神。極端毀滅本黨組織之根本旨趣。減少羣衆對於本黨之堅固信仰。乃於代表大會閉會期間。竟以若干中央委員非合法的會議中。為此重大之決定。亡黨之責。誰當負之。總理所辛苦建設之本黨。不謂一部份之執行委員竟輕

輕斷送之而不稍惜。此其猶可痛心者十一也。如上所言。皆爲武漢會議中所加於本黨之創傷。致使革命勢力發皇張大之本黨。有遍體瘡痍之觀。長此以往。不獨北伐困難。而本黨百萬黨員。與朝夕以求中國的自由平等之民衆。亦將何所寄託。險象如此。詎能再安緘默。爰痛切陳詞。望我全體同志念黨國之危機。凜喪亡之無日。披髮纓冠。共圖匡濟。扶危定傾。竭視此舉。披瀝奉陳。敬候明教。中國國民黨中央監察委員會委員鄧澤如。黃紹雄。吳稚暉。李石曾。蔡培。古應芬。張靜江。陳果夫。青。

### 張靜江致汪陳書

精衛四兄璧君七姊同鑒。弟本病廢海市。聊盡餘年。徒以與總理三十年之厚交。憶前年病危在床。執手隕涕。弟既泣不可仰。惻愴之懷。如何可設。家國之痛。義忘生命。是以去春三月。聞廣州內部糾紛。不辭道死。刻日南行。冀稍盡其獻替。豈知弟於三月二十二日在長堤登岸。先二日。介兄已向共產黨行誘然之手段。而季兄亦飄然引去矣。弟乃憂懼不知所出。聞道路傳言。季兄之行。則因介兄未以非常之舉前告。長者爲行。不使人疑。若有不得不行之勢。問諸介兄。彼正有深痛之隱。獨示意于弟。以爲共產黨之陰險。或有擊而不中之虞。不先告季。將失敗時。介自負之。季仍可自收其殘局。各有其分義。弟亦何言。弟到之時。介兄仍欲澈底解決。謂此亡黨之毒腕。以慰總理之靈。但弟當時。與今日尙受催眠之諸公。同其見解。以爲共產黨徒病幼稚。無拳無勇。終何能爲。但當正詞以告之。誠意以結之。止其包辦之運動而約束之。必能就緒。兄姊歷來之委曲求全。即最能待若輩以此種之血誠。乃介忍無可忍。既出以非常。倉卒短時之內。兄姊必有剛柔兩疆。難下斷語之痛。故弟謬願承乏短時。一爲介

兄之緩衝。一待兄姊之徐歸。又一方面。弟欲以坦率疏懇之態度。與若輩爲真誠之結合。且恃我本廢人。暫時問政。原極滑稽。毫無嫌疑之可避。因即用整理案選舉法等明與周旋。而且時時疵議其失。盡我友道之直諒。皆示以適可而止。不應包辦。乃至今思之。弟亦愚妄可笑。欲就條文組織方面。與彼輩爲疎闊之制裁。真所謂弄斧班門。太不自量。共產黨賣空買空。別無長技。彼等所設之天羅地網。使人有其誠。無可折其僞者。即其言僞而辯。潤非而澤。工爲條文組織是也。入其條文組織之阱。挑撥誣弄。一變再變。遂陷我于老朽昏庸。獨裁怪物之林矣。我不能不爲狼狽周章。我思亦自噴飯。今乃幸其萬惡到頭。逆謀顯著。條文組織。盡失其武器。抱最後亡黨賣國之悲者。一時蜂起。而弟亦居裏銜裏。癡罷日增。更人欲以老朽面目。同彼輩亦天壤視息。因此隨介兄於前數日共哀民誼兄飛渡海西。泣求兄姊早歸。弟則不及兄姊之至。已即日拔出政潮。完我殘息。冀張目病床。以待黨之不亡。國之不賣。然後死去。乃得笑語在天之總理也。言盡于此。敬祝長途曼福。弟張人傑謹啓。三月十日。

### 黨務專載

#### 上海特別市黨部宣言

全國各報館各團體鈞鑒。中國共產黨。受蘇俄策養。供其驅使。寄生於本黨之下。張冠李戴。數年以來。其種種陰謀禍國滅黨之進行。有加無已。雖經本黨中央執行委員第四次全體會議，

釐定清黨辦法。然不幸同志之間。尙未一致進行。而最近彼黨於國民革命成敗所繫之際。更在後方一意搗亂。作種種反革命之工作。其影響於黨前途。至深且鉅。本市黨部是以不嫌辭費。用特臚列事實。昭告國人。

(一)破壞本黨政治及軍事之進行。自本黨北伐軍動員以來。未及半載。湘鄂底定。近且飲馬長江。進窺中原。人民對於本黨三民主義之信仰。可謂一日千里。乃寄生於本黨中之共產黨人。到處肆其鼓簧。曲解三民主義。以宣傳其世界革命。勞動專政。階級戰爭之主張。循至民衆對於本黨之信仰上。每每發生誤會。武漢方面。且公然張貼打倒三民主義之標語。觸目皆是。該黨猶以文字之反宣傳。尙不足以快其陰謀。復於本黨北伐軍在前敵血戰之際。以少數竊據黨權之分子。濫發亂命。對於本黨革命將領。橫加誣蔑。密議對於河南友軍。不加援助。動搖後方。且於本黨勢力所及外人居住之地。不依照本黨所定方針。正當交涉進行。而任意搗亂。欲引起國際糾紛。以陷北伐軍於困難之境。所幸我軍於極短時期間。克復滬甯。日見發展。此種破壞國民革命之進行。實無異間接爲北方軍閥之助力。不知彼輩是何居心。必欲使本黨在政治上軍事上完全失敗而後快。其危害於本黨。實無異附骨之疽。此真可爲痛恨者也。

(二)破壞社會之秩序。共產黨人。既棲息隱混於本黨之下。於是吾黨軍隊所在。彼輩無往而不肆其凶殘。於地方到處勒捐。利用土豪惡棍。假借農工團體。以爲挾仇報復。任意敲詐之工具。稍一不遂其慾。即任意拘捕。任意監禁。甚至濫殺無辜。並不審訊。律以北方軍閥之橫暴。尙未足彷彿其萬一。用是共產黨人所至之處。金融枯窘。商賈側目。教育停頓。交通阻塞。軍事及行政長官。稍有裁制。即明目張膽。公然反對。社會之秩序爲之

破壞無餘。如此行動。而對外則稱之曰國民黨。誠本黨同志所最痛心疾首。而無可見宥於社會者也。

(三)破壞國家之主權。共產黨受第三國際之豢養。即以第三國際爲主人。其平日宣傳及工作。一惟蘇俄之命令是從。對於外蒙獨立。則美之曰民族自決。對於俄人之把持中東路。侵略主權。則諱莫如深。其口頭反帝國主義。而即爲新帝國主義之佞鬼。口頭反軍閥秘密賣國。而自身即公開賣國。彼黨近日復發表宣言。稱總理聯俄聯共。殊不知總理聯俄。有平等待我之原則。而聯共之說。更無絲毫根據。共產黨人以總理會容納彼輩之故。以二重資格。跨黨經營。若在平時。則謬稱同志。一有責言。則抗拒裁制。其口號宣傳。非奉蘇俄爲先進國。即呼鮑羅廷萬歲。推其所極。非將我國之版圖。盡劃入蘇俄之管轄不止。張邦昌李完用之賣國。尙不及其陰毒狠鷲。如此行動。而托之曰國民黨國民黨。雖寸磔其肉。豈足稱其罪於萬一乎。

凡右所舉。皆其精華大者。其餘瑣細末節。雖罄南山之竹。不足書盡其罪惡。本市黨部暨上海所有同志等。奉總理遺教。及本黨中央執行委員會之決議。奪鬪經年。不敢謂有成效。際此本黨進行。北伐成敗。所繫之期。尤當領導同志。努力清黨。以謀對外。所希邦人君子。懷匹夫有責之義。作除惡務盡之謀。豈惟本黨之幸。社會國家前途。庶幾有焉。謹此宣言。諸維鑒察。

中國國民黨上海特別市執行委員會

## 時評

問 蔡元培先生

漱石

有署名中國國民黨中央監察委員會者。咨其中中央執行委員一

文。(見本期特載)稱係蔡元培主席。展閱之餘。所懷疑者兩點。  
(一)中央監察委員會對中央執行委員會用咨文。此毫無疑義。今前街既分列各委員。何以亦用咨。

(二)文中謂「所有漢口聯席會議及第二屆第三次全體中央執行委員會會議。皆徐謙鄧演達顧孟餘等受俄顧問鮑羅庭之指揮所顛倒。果如所言。或據黨章法例以否認之。或採非常手段以推翻之。由該會議產生之機關。所發命令。應完全無效。而下文竟謂「所有由該會議產生之機關。其所發命令。本會亦認發生疑問。並請貴委員等應按酌事實。分別接受與否。」等語黨章法例。非常手段。無一可通。

然蔡元培先生曾任教育總長北京大學校長。出身翰苑。夙負盛名。其或另具見解。亦未可知。願蔡先生明以告我。

### 忠厚成性之張靜江先生

竟成

日前張靜江先生發表其三月十日致汪精衛夫婦書。雖未免失言之憾。而其忠厚成性。溢於言表。去年二三月間。共產黨正極力誣譏蔣介石同志。其詳悉情形。具見蔣介石同志在中山艦案發生後對黨代表之訓詞。彼時蔣介石同志深知共產黨與之勢不兩立。亦如現在之覺悟。原欲澈底解決。以牽於人言而止。張先生自述其經過曰「弟到之時。介兄仍欲澈底解決。斷此亡黨之毒腕。以慰總理之靈。但弟當時與今日尚受催眠之諸公同其見解。以為共產黨徒病幼稚。無拳無勇。終何能為。但當正詞以告之。誠意以結之。止其包辦之運動而約束之。必能就緒。非忠厚成性者能如此乎。共產黨之條文組織。以吾人觀之亦膚淺異常耳。安得云工。惟以素不習團體生活之張先生。自易為其所蔽。如去年五月十五日之所謂整理案。吾人期期以為不可。而張先生則方欲以此約束共產黨。庸有濟乎。張先生又自述其經過曰。欲就條文組織方面

與彼輩為疎闊之制裁。真所謂弄斧班門。太不自量。共產黨賣空買空。別無長技。彼輩所設之天羅地網。使人有其誠。無可折衷偽者。即其言偽而辯。謂非而澤。工為條文組織是也。入其條文組織之阱。挑撥誣弄。一變再變。遂陷我於老朽昏庸獨裁怪物之林矣。我不能不為狼狽周章。我思亦自咎。一非忠厚成性者能如此乎。今張先生又以忠厚成性之故。而讓民誦汪精衛夫婦歸國。適為虎傅翼耳。然他人有過。往往惟恐文恬之不暇。張先生獨坦白直陳。即往事而論。殆所謂君子之過歟。世風至此。波瀾雲詭。寧惟一共產黨哉。吾願張先生實踐拔出政潮之言。毋再以忠厚成性之貽故誤黨國也。

### 蚊 虻 過 前

四月十二日。有署名白崇禧者通電。云「上海環龍路四十四號。查係西山會議派非法機關。昨竟以中國國民黨中央執行委員會名義發表宣言。(按指宣佈共產黨罪狀及宣佈汪精衛罪狀兩宣言)殊屬曠視黨紀。淆惑觀聽。除由本部政治部派員查封外。謹此奉聞。」偶爾閱及。無暇批評。特做春秋之筆法。書曰「蚊虻過前。」

### 通 訊

### 劉鼎銘君來函

記者先生：好久不通訊了！今天江南晚報有個時評，題目是

「舊事重提」我再三思索，却不懂他的用意，特請你解釋一番，且把原錄在左面：

「這幾天的時事，記者覺得無話可說了，祇好把舊事重提罷

當袁世凱贊成共和的時候，附和着他的人向他建議，說：「贊成共和，固然於宮保有利，但是同時要聲討同盟會；因為宮保是曾經擁護清室的。」袁氏立即喝道：「使不得！共和不是同盟會所提倡的嗎？」於是派員歡迎同盟會的首領孫中山先生。

當曹錕恢復國會的時候，附和着他的人向他建議，說：「恢復國會，固然於大帥有利，但是同時要聲討中國國民黨；因為大帥是曾經反對護法的。」曹氏立即喝道：「使不得！護法不是中國國民黨所提倡的嗎？」於是派員慰問中國國民黨的領袖孫中山先生。

袁曹禍國的罪狀，大家都知道！但是單就這事說，畢竟還替中華民國保存些正氣！

民衆們！正氣真是我們中國的國粹，大家要保存着阿！

弟劉鼎銘四月十二日夜

### 覆劉鼎銘先生函

鼎銘先生：上次通訊，對於「徐某墓表的一段材料」，先生一猜，便把這「徐某」猜着了。現在江南晚報「舊事重提」的時評，先生真的不懂他的用意所在嗎？據我的觀察，可以從左面幾點去解釋，雖差也不遠了：

(一) 這個時評，有申報「冷」君用意的含渾，而不像他的空洞。

(二) 語重而心長，有不能不說，又不便說的苦衷。

中國國民黨週刊 第四卷 第三期

(三) 十二日以前的事，打倒共產黨呀！打倒西山會議派呀！雙管齊下，熱鬧得很，怎樣會無話可說呢？其中必有緣故。

(四) 新陳代謝，往往一蟹不如一蟹。